

Uunga siunnersuut: Pilersaarusiortarneq aamma nunaminertat atorineqartarnerat pillugit Inatsisartut inatsisaata allannguutissaatut siunnersuut pillugu Inatsisartut inatsisaat nr xx af xx xx201x

(nuna tamakkerlugu pilersaarusiortarnermut nassuiaat, nunaminertanik inniminniisarneq, atuinermut killingititap sivitsornissaanut periarfissat, utaqqisunut allattorsimaffiit tamanut saqqummiunneri, pilersaarusiortarnermut nunaminertanullu maalaaruteqartarfiup atorunnaarsinera, il.il.)

(Aningaasaqarnermut Aatsitassanullu Naalakkersuisoq)

Aappassaaneerera

Pilersaarusiortarnermut inatsisip allanngortinnissa apillugu Inatsisartut inatsisaannut siunnersuutip aappassaaneerera sioqqullugu siunnersuummut tapersersuineq Naalakkersuisut sinnerlugit nuannaarutigaa.

Aamma Sanaartornermut ataatsimiititaliaq isumaliutissiissusiaannut qutsivigissavara, tassani ataatsimiititaliaq siunnersuutip akuersissutiginnissaanik innersuussimmat.

Tusarniaanermut allakkiaq ataatsimiititaliap amigaatigisimavaa, siunnersuullu Inuusutisarsiorfiup ineriartortinnissaanut tunngasuummat suliaqarfigisamik Sulisitsisut tusarniaavigineqannginnera tupigusuutigalugu. Inuusutisarsiorfimmik aamma suliffeqarfimmi illua'tungerisanik, minnerunngitsumillu illuliortarnermullu immikkoortoqarfimmi pilersaarutitut tunngatillugu Naalakkersuisut oqaloqateqartarnerat oqaatigineqassaaq. Naalakkersuisulli ataatsimiititaliap kaammattuussinera malinniarpaat, sulianilu taama ittuni pisortatigoornerusumik Sulisitsisut aamma tusarniaavigineqarnissaa isumaginiarlugu. Inatsisissatut siunnersuummut oqaaseqaatini illua'tungerisat sorliit tusarniaavigineqarsimanersut takuneqarsinnaavoq, oqaaseqaatinilu tusarniaanermi akissutigisaat eqikkarneqarput, soorlulusooq tusarniaanermut akissutit pisarneq malillugu assilisatut pigineqartuullutik.

Malugivara, inatsisissatut siunnersuummi kalaallisut oqaasertai allanngortinneqarsimasut, imatut takuneqarsinnaalerluni, inatsisartut inatsisissaattut siunnersuut. Inatsisissatut oqaasertaa oqaaseqaatitaalu assigeeqqissaarput, soorlu siullermeerneqarnerani septembarip 30-iani.